

青
芝
山
館
集

青芝山館詩集卷第十

臨川樂鈞元淑

古今體詩

庚申上

上元

春風剪綵作山茶燈火連城幾萬家酒醒夜牕銀燭地月波
寒浸水仙花

越王走馬埒歌

埒爲南漢祖劉安仁爲湖州長史時所築

虎山入蛻降王骨潮州長史復何物僞號猶因荒埒存鬼雄
不跨驕驄出子孫竊柄清海軍唐家節度朱梁臣五朝七廟
俱頃刻追封乃及劉安仁當時老驥豈伏櫪編埒王濟同一
癖奪民牧地勞土功至今沙草連江碧君不聞習池驄馬歌

山公太守紫馬看如龍使君愛人人愛馬走馬之埒何爲者
化象潭頭秋月明伏虎石邊春草生唐賢漢將遺蹤在海角
蒼茫萬古情

近歲沐髮脫落不已感而賦詩

我於養生百不能黃庭雖讀猶未曾鬢幸未華髮屢脫脫之
不已吾其僧兒時頭角尚記憶髭髥兩耳垂髻髻人事相干
疾病厄卅載一瞥如風燈我生秋孟稟秋氣瘦骨戍削形峻
嶒人言前身是黃鶴自顧乃類千歲藤木盛則榮衰則落土
堅則固鬆則崩物理固然豈足歎所愧七尺空稜稜北溟之
鷗化爲鷗七月之鳩化爲鷹天風浩蕩雲路闊羽毛豐滿俱
飛騰

登金城山

海東一城壯山比城更高萬樹不遮眼四際窮秋臺羣峯轉
一氣面面屏藩牢藏富得地力若米屯倉版銀山振左臂腰
城夾空壕用兵此扼塞犄角聯旌旄東北繞韓江千巖瀉奔
濤長橋鎖腰膂一葉難遁逃太平略形勝坵蟻儕連蟄薄海
無內外况乃羅亭臬是日東風緊吹我草色袍人烟出屐底
恍臨浮雲翔揮扇數帆席天際如鴻毛

韓文公手植橡木枯根歌

山長歲澤山孝廉圃自土
中律春望寫圖於冊藏韓

山書
院

南方草木多奇瑰一死皆作昆明灰橡木寸根乃不朽中有
元氣常滋培緬昔青蔥鬱祠廟繁花歲應科名開潮州文教
自公啟樹木榮悴關人才薪樞上擬西京樸音聲恍比南省
槐海月蒼蒼遍江郭靈風肅肅森堂階地高儼負斗山望歲

久忽受風雷排神靈無力救厄運造物有意存枯蓼寶匣貯
藏妙墨寫韓山萬古同崔巍感縮尚令蛟鱷懾盤薄疑有鸞
鳳來梓桑所在必恭敬甘棠雖遠猶堪懷邦人莫忘嘉樹傳
賦客休同枯樹哀栽培不出大賢手參天踞地皆棄材泰山
老松被秦辱假蹇不死胡爲哉

梅州兩解元一首贈李吉園

汝謙

兼懷葉石亭

鈞登州

梅州兩解元石亭與吉園瓊才副宿譽光價高璵璠我來南
海上攬蒞寒蘭蓀前年交石亭文字得討論近與吉園友談
款何清溫香草必同氣風義千載敦程江衣帶水達海源昆
侖文明照百粵映射扶桑暎良工采異石獲此璠與璵先後
冠羣彥足使科名尊賤子騁弱足若鴛鴦隨驪奔爾君仍局促
困窮山北嶺古湖春綠萬里還江村石亭落山左跋履諸

侯門雖脫武城難

聞石亭客德平值民變先數日去遂不及難

使我縈心魂連日

春欲去夜雨常翻盆登高望江水魚蝦乘濁渾相聚不痛飲
無乃孤酒尊君看醉鄉客睥睨空乾坤

答果泉觀察論筆

用筆如用兵習書如習戰精銳資折衝整齊由簡練製從蒙
氏初用較漆書使其力可千鈞其鋒宜百鍊兔豪每焦脆鼠
鬚太頑健賦徒雞距誇銘乃鹿毛衍流品失鑑衡紛紜雜几
硯諦觀義獻蹟參讀褚虞傳毛錐比刀稍筆陣特修繕壯哉
觸藩抵勁若離弦箭鍊經塞上霜揀費巖下電神妙窮纖末
縱橫出奇變由來干城將功業登壇見羽扇麾三軍霜戈繞
八面始信管城中有此冠軍彥椎指我自慙釵股君原擅忝
知李牧才敢效馮唐薦旣獲中書君定慨臨池願

次韻答果泉觀察見贈之作

開元詩老高常侍白首清吟未厭遲
況是神仙天上謫能令造化筆端移
鳳皇有髓君應得翡翠憐毛我自知
今日蘭陵初唱和天風海雨薄簾帷

留別果泉觀察二首

愁看炎雲塞海門遙思榴火照江村
客心胡蝶帆三片離恨菖蒲酒一尊
大地迴翔皆傳舍浮生牢落付乾坤
閱風縹馬渾閒事只作遊山一概論

銀印專城御史臺官梅已見五番開
不書上考真循吏能耐清貧似秀才
會有勛名垂竹帛莫分心事問莓苔
何時旌節移江左借看湖山買棹來

留別托敘齋總戎兼呈果泉觀察

君作專城帥我爲諸侯客邂逅稱弟昆輪囷見肝膈我年三十強君年六十迫勢分俱已忘詎論頭白黑瀛州粵雄鎮長雲亘東北節鼓撼金山旌旗蕩海色人疑今將軍定是虎豹額豈知囊帶風儒雅復溫克胸藏智慧珠內照塵懸隔騁議殊縱橫往往合書策近歲悅經訓攝心入理宅盡日神夷然味道信有得監司亦杰人與君固莫逆書生蝨其間性情各有適二公已官貴翔步卽侯伯彈冠登舜舜抗志爲皐稷炎風吹片帆催我返鄉國才拙背寵榮養癰向山澤強弩鳴勁風或被魯縞格朱絲挂枯木不彈聲已積人事無等夷物理有通塞斯義常究談渙若層冰釋匣劍久不鳴離懷乃惻惻江雲重復重目斷韓山碧

五月十四日登舟諸友人餞於韓江旣發却寄二首

斷續風吹聚散雲萬山爲主我爲賓休論車笠平生語同是
江湖未老身絢日蠻花紅照眼插天海樹碧傷神竹枝最惹
劉郎恨莫付尊前執板人
牢落相如故倦遊暑風吹上木蘭舟逼人富貴知誰免與世
推移那自由何處山川迎匹馬此時心跡共孤鷗諸公歡會
應無極記我狂歌舊酒樓

梅州逢李吉園孝廉同登州塾文昌閣

梅州曾小住勝跡始追攀碧砌當牕柳青收繞郭山江聲離
耳寂雲意伴人閒過客逢良友登高一破顏

朱澂園大令

潘

邀過其舟飲酒

賢尹能留客論心比舊交天花藏燭影破月上梳梢我已忘
浮梗君休感繫匏相逢方取醉譙鼓莫頻敲

興寧道中舟爲灘石所破

灘石類僉人，淪胥張利齒。晦迹泥沙中，造險風波裏。
篙師小不矜，船腹飽河水。昔行虔州南，單舸遭觸毀。
今復洞我舟，相厄何不已。倉卒救囊篋，沾濡幸無幾。
小損心易平，因之感前史。靈均讒莫防，永叔謗難洗。
羣鴉啄鸞鳳，神蚪困螻螻。幽蘭誠何傷，屈軼爲疾指。
千秋巷伯詩，惡惡非爲已。

過長樂訪澂園大令以詩爲寄

地主期相過，嵩螺障碧天。灘高瓶口近，水靜鼎浮烟。
官舍榕根瘦，船篷箬葉穿。好風拽帆索，孤鶴下如泉。

自清溪至老隆山陸路七十里有所謂藍關秦嶺者
俗以昌黎雲橫雪擁之句蓋作於此藍關乃小驛館
秦嶺一培塿耳戲爲一詩

炎荒太古無尺雪小山豈有雲橫絕藍關秦嶺近長安井蛙
夏蟲爭不決山經地志紛承訛古賢遺跡何太多可憐嶺嶠
搜奇客將奈湖州刺史何

龍川夜泊

風水違行舟鈍若登坂馬圓蟾滅如線始泊鰲山下遭逢成
聚塵蹤跡感飄瓦服勞非敢辭觸熱何爲者仰看天宇高亂
星照平野茫茫此夜情孤劍因誰把

登南山寺樓寄龍川令周霽原同年

廷宋

梵王高閣倚烟霄目極炎荒半壁遥粵海風濤爭戶牖羸秦
封建問漁樵牛羊滿野農功畢鱸羹如山榷稅饒龍川關已
有魚稅
別故人從此去更因風景一停橈

過石龍鎮憶羅浮寄果泉觀察

東見石龍頭西見石龍尾孤墪破雲飛送船三十里昨秋南海還官舫此停艤芒屨登筍輿同陟香臺址夜宿贊公房羅漢皆粲齒松月照兩心懷抱各如洗清曉凌丹梯坐石掬雲髓時有龍蔥竹幾節下流水今來信布帆風急那肯止羣仙知何在鸞鶴不飛起名山迹未埽與君還躡履爲煩搗藥禽相待翠微裏

廣州登舟述懷十六韻

倚劍崆峒外占星牛女間干時因母老觸熱忘身辱高揖虞翻宅遙趨庾勝山烟嵐迷五管風雨滯三關嵬小鴛鴦亂謂帳爲嵬雙灘高虎豹頑曉驚城月落暮看海潮還自我離者名鴛鴦嵬三輔依人向百蠻遺臺羞霸國巨浪駭神姦間訪名賢迹常儕勝士班酬詩羅簟扇賭酒對纓鬟鱣渚辭良侶驪歌慘別

顏花飛蝴蝶洞果熟荔支灣近景奔難挽離愁亂且刪同舟
緣本暫奪鬲道方艱烏哺情懷急猿啼涕淚潛榜人休輟櫂
連夕夢刀環

佛山雨中別胡二

虎門暮潮落羊城夜雨續我行君送之談笑對孤燭市人言
語寂無店買醺醺岸側番賈樓戢戢白照目越日到佛山青
蓬響飛瀑泓洞衣帶間一舸萬艘束燕鵲原背翔鷗鳬且分
浴往事各踳踳前途恐迫蹙庶幾衛叔卿傳語教辟穀風軟
天穹窿何由跨黃鵠

過清遠縣

落日紅滿河羣山壓壯縣挂帆掃埕尖飛空響竹箭東岸排
舳艫塵霧雲霞炫戍卒鳴銅鉦小兒拍手羨戢戢魚與蝦不

敢戲水面林樹暗烟靄橋燈暎星電藏舟蘆蓼間月出無人見

曉望峽山

峽山何靈奇破雲幾百塊粲如金氎衣補綴色不壞陽巒抹微曦陰壑佇虛靄脚插清瀨深尾掉平岡大軒轅兩帝子躍身入溟海驅鰲負拳石施作青蓮界衝流白廟峽牽舟苦不快不知何樹蟬清響落空外聞有祇樹林雪瀑春雲確會尋山上僧分泉洗炎燄

峽山飛來寺作

鐵鑠芙蓉躍入江鄴城夜失金鳳皇萬物有心各擇地力苟能飛寧不翔三山五岳乏羽翼屹立萬古徒相望尚聞蓬萊失左股一朝浮至羅山旁夸娥二子亦多事左置王屋右太

行龍宮鷺嶺騰開土有峯振副來錢唐若塢若鐘若泉石幾
處轉徙紛飛揚四海八荒富幽勝但須跂足先審量茲山妙
烝積爲石中有太古飛泉長雲簾晝鎖洞花寂月鏡夜徹江
烟涼茲寺作客得所主不負千里來炎方華嚴樓閣彈指見
願力疑借師子王兜羅綿手一輕擲留爲法嗣開道場梵音
散風入寥廓磬聲落峽搖滄浪兩樵隔雲遙縹緲二禺跨江
高頡頏當年創建在彼土丹臺紺宇誰守藏飛去青鸞了不
覺彼神母乃疎隄防猶恐主者訴天帝尋求故物還舊疆下
遣六丁搜九地并山負去償前亡下界冥濛接嶺海時有俗
客停舟航山靈亦或厭擾聒更挾蘭若歸窮荒爾時我來訪
展迹江水浩浩雲茫茫以茲三歎罷題壁且逐鴻鵠飛還鄉
數日無酒十七夜泊英德縣始沽得之飲罷作歌

我生常服坡公言無酒學佛有酒仙今宵似到酒泉郡痛飲
那計囊中錢對酒高歌欲起舞昨所不足今須補興闌忽復
心自規昨夕已過今何追莫學宋子京要將豪宴酬平生莫
學主父偃倒行逆施畏途遠恣志窮歡計亦疎酒星在天時
有無一年春雨復秋雨花間幾日鳴提壺世上王宏亦稀有
五柳先生曾止酒

小舸二首

小舸小如葉起立不自由短篷爾何物能使人低頭晏坐息
六鑿期與雲將遊書臥挾書冊夜出看斗牛興至發高詠水
和山爲酬愁病亦復佳不與詩腸仇閒采舟人語文飾歸吟
謳遂覺一席地空闊逾九州上希陶彭澤中比蘇宛邱柳州
苦不曠乃爲山所囚

我非學道人，跼促聊自廣。去家尚遙遙，不爾將焉往。高堂望
眼穿，掬淚定盈掌。風伯挾雨師，併力阻歸槩。雲夢詎能吞，荆
棘還復長。適來議古人，未免悔鹵莽。癡兒侍我旁，聽我吟聲
朗。疑我處逼仄，坦適過疇曩。安知夷曠時，有觸暗懷愴。差勝
蝸與蛭，日夜縱悲響。

望夫岡

在中宿峽

廣西有一留人石，廣東有一望夫山。

二句本
諺語

石留人兮人卽

住，石望夫兮夫不還。夫不還兮石不語，萬古江頭泣風雨。胡
不上訴雷公與仙伯，一朝剡却留人石。莫怨留人石，兒夫自
不歸。不怨兒夫自不歸，妾命當作江頭磯。江水自流石不轉，
天長地久會相見。

遊觀音巖

上古大椿苑枯株三萬抱化爲蒼石柱倚江插雲表遠望已
森聳逼視更奇奧上有蓮花臺金碧絢幢葆試穿繡房入轉
上螺旋道佛然無盡燈日月齊昏曉巖洞豁波光天風過飛
鳥當牕挂朶雲凝結自羲昊冷泉時一滴萬古不枯槁壁疑
純鐵鎔頂以層巒冒鬼神窮設施般倕遜工巧香露半空灑
紅塵歷劫掃相引了髻童對語龐眉老行當誇世人白日遊
蓬島

立秋日泊小沙船尾看月

六月十八日

明月圓時雨拍牕今來相見是秋光憑誰共賞詩家語只與
離人照斷腸

舟中示少華

攜汝辭家客海門三年蹤跡怕重論來衝雪霰江梅冷歸觸

炎歊岸雨昏分寸光陰都可惜尋常經史要勤溫莫嫌几矮
船牕小看我吟編對酒尊

自清遠以上山多奇特戲以一詩括之

何人宰萬物紛紛立名字大荒絕腳蹤山水有稱謂今昔多
遷革俚雅互同異伯翳與姬公采摭亦難備方言浪標題史
家遞載志著者十二三往往猶誤戾我溯滇瀧來看山以萬
計有如觀市人面目皆初對問日逢奇勝目存而心識表者
如帷幄疊者如屏展連者如玦環凹者如簋簠削者如花舒
圓者如星墜穹者如弓垂銳者如劍倚端者若朝冠偏者若
舞袂巖者若崇檐欹者若廢壘或蜿如龍蛇或蹲如豹兕或
娟若神妃或怪若奇鬼或如旌與旃或如鬣與髻或如枯樹
槎或如飛鳥翅或若舟無檣或若城有雉或筆而書空或囊

而委地或如黛如脂或如錦如綺山意巧百變寸管難盡繪
雲嵐繚繞之一一具佳致證佐乏圖經輒自名以意譬彼隱
逸流無人識姓氏呼爲江上人亦足傳千世培塿與坡陀到
眼若塵翳匪我敢遺忘公等自難記因思造化兒賦形役萬
類何爲分妍媸而復判巨細母乃非均平且不憚煩碎卽此
一隅山心力凡幾費將毋麻姑仙聚米偶遊戲或是女媧神
鍊石所投棄秦人逞長鞭道遠無所試五丁身化土無力更
移置崢嶸凌碧霄紛沓排炎裔猶使泛槎人倚蓬有寄惜
無韓柳文記述登篋笥亦無王吳手圖畫入絹紙所仗閒胸
襟約略領與祕蠟屐難遍往停機時一至我今見羣山羣山
見我未我爲山過客山有主人誼宜以片雲贈或以瑤草遺
使我千載心長與山盟契山神夜見夢向我言且陞形我尚

依稀名我太多事如子前所譏乃自蹈其弊太上原無名知
希我乃貴同處六合中當作平等跡胡爲妄分別召闢取詬
詈非主亦非賓無終亦無始胡爲論形迹所至成沾滯深謝
山神教今聞第一義山風吹酒醒起坐剔燈穗書存孟浪言
擲筆還酣睡

卽事

晚雨疎疎暑氣殘
鼓篁瑟瑟響風湍
小冠半臂船頭坐
病骨翻嫌六月寒

韶州

庾嶺南來蹴離火
千山得勢皆嵬駮
瀆江夾蹙不可回
直下滄溟疾飛舸
任囂城堞據奔流
楊僕樓船爭上游
清時此地亦喉吻
千丈鐵索編浮舟
橋名太平開椎館
官船商船塞江

滿日斜飛鳥避帆
檣月出微風逆簫管
伊昔重華賓祝融曾
於石上調薰風躍池
不數蕤賓鐵掘土應
存姑洗鐘萬壑千巖
駐日景幾人到此冠
裾整可憐雲氣似九
疑倘有鳳皇來五嶺
江水茫茫萬古心遐
蹤騰躡杳難尋遙聽
六祖寺中磬還鼓九
成臺下琴

二十二日泊始興縣南三十里夜風大作中臂作痛
擁被而臥仍不敢寐作詩二首以宣感歎

六月南荒起朔風孤舟獨夜近南雄
狂驚帶雨飛金鏃靜看搖燈隕玉蟲
沙石似從千丈落琴書相伴萬緣空
蒼茫幾滴思親淚吹入湏江駭浪中

昔曾走馬刷幽燕飽聽霜颺響勁弦
未覺短裘衝雪冷猶能長劍砍冰堅
十年湖海消豪氣一意香花養病禪
炎日炎方

寒徹骨那堪重論朔雲邊

二更後溫酒痛飲汗發病愈風亦遽止復次前韻二

首

瘦骨當秋常畏怯枯腸得酒又豪雄山遙舊說迴征雁岸靜
初聞語候蟲隱與怒濤爭起伏狂吟奇句入高空維摩示病
真耶幻自轉風輪頃刻中

明河已挂星如豆曲木初驚月又弦半夜酒浮銀杓滿一時
身比鐵城堅窮途不墮參苓劫病課惟參麴蘖禪仍仗南風
凌曉發峭帆飛到嶺雲邊

自惠州至雄州舟行所見雜然成詠凡十一首

石龍小舸散群鴨竹罩長竿撈蜆蛤一起一落手不停想見
深沙釘萬甲窮黎恃此生炊烟猶有餘錢換酒啣任公志大

還迂疎投竿三載魚不荅

綠扇翠旗颭江甸織作蕉布栗色淺南方服物宜炎曦黃麻
黃葛比黃絹八蠶之絲剛不純深山蝴蝶助作繭吳越綺羅
世所珍絡緯啼秋響金剪

河濱陶旄日搏埴魚鱗倚疊甃瓦積土窯如廩堆黑煙前山
童童後山赤西村大屋連雲起東岸高墻照日白水中柏樹
逃斧斤留作漁人繫船杙

樵婦負薪黿婦汲鬢髮簷沙蔽深笠赤腳無裙不自苦猶摘
山花背人立亦有珠海蕩舟人日出打槳到日入炊煙薰面
波濺衣背上兒飢索乳泣

奔湍落閘推飛輪灌溉不勞田父勤丈人抱甕良已拙桔槔
雖巧猶須人馬鬣瓶水間一滴情農有穀登倉困有時蘊隆

裂地骨處處打鼓求龍神

金烏銜火吐西岸墨翻山影落天半
柁轉日眩天地搖上下
陰晴咫尺判野人隔林穿晚煙
鵝鴨亂鳴蝙蝠散來朝無雨
常有風新月生闌虹飲澗

漲江亂汊拖銀蛇岸草出尖泡
閣沙小舟如魚唵藻入白蝶
飛作脂麻花渡水鳥健露肩背
角彎不動承老鴉何人大編
就深廣其下恐有蛟鼉家

曲隄渦旋浪花破漁人沈醫候
魚過秋田黃雀銜稻孫衝入
野烟低欲墮蜥蜴致雨果蝟虎
蟲嚙桃根李僵卧由來殃禍
延爪藤南山老虎蔽茆坐

日落未落山背黃秋江滿水飛
魚糧變相蜻蛉逐水馬且飛
且走何太忙么騷擾人相代
嬪蠅癢欲死蠱齋強猶悲
蟻蟻

暮光死夜燈深向紗籠藏

江邊老榕類老叟亂髮繞頰瘤繫肘官園此樹遮亭池今見
蒼雲重回首筠篠交翠荷傾珠誰能著眼到老醜獨記微吟
風響時子落如雨打腮膈

土垣竹柵圍山腰黑雲堆塚堅可燒小舟賣柴復賣炭那及
官煤裝大舸刺繡倚市事難論富民薪蠟貧民樵陰陽爲爐
日月火脂膏一盡同枯焦

南雄登陸曉發

忽到水窮處孤城遮客船鳥驚穿樹月人語隔橋烟露重猶
沈笠山驕不受鞭艱難愧水手送盡百蠻天

保昌之北新路口石筍林立宛然千葉碧牡丹細草
間之如花須焉俗名金龜石云石中舊有金龜爲波

斯賈取去與者指示其穴大如甕賞其奇秀紀以短句

羣石何嶙峋開作牡丹碧柔草千百叢孤根一萬尺在花爲
花王在石亦石伯石形借花態成此妍妙格可憐平泉莊千
金買尺璧傍竹堆雲膚依花樹劍脊豈如此石奇萬狀去雕
飾壺中九華小袖裏東海窄終疑好事誇裁割就程式豈如
此石奇千山連氣脈舊傳石洞中金龜久伏息雖無元靈用
曾遭碧眼識故物已人隨佳名當我錫由來造化巧標幟賴
人力真花乃不謝真火乃不熄呼爲真假山吾言不可易

梅嶺謁張文獻祠十四韻

相業魁南士神機照朔方時危因遣祭嶺表尙祠堂地隔中
原遠山當北戶強維公開鳥道從此奠龍荒梅庾空留姓

化苦畫疆助名獨崇峻文藻况輝煌正始音久歇開元運未
昌風騷資墾闢軌轍亦康莊有藉非豪傑聞風每激昂苦吟
千首拙窮處一身忙海上迴孤棹階前熟瓣香端凝仰風度
文獻感淪亡洞石粘苔碧崖松蓄雨涼低徊雁處不覺暮
雲蒼

過大庾縣信宿吳白庵廣文六琴吟館時白庵已先
三日赴豫章矣留詩於壁屬郎君可之和焉

君子已行役來登君子堂坐共阿戎語風日清南牕彈君壁上
琴卧君六尺牀看君庭前竹脩脩青鳳皇聞君昔未至芳
草齊人長萬物有運會地德豈不良君來手鋤畚蒿屋修垣
墻引泉灌花藥開畦種蔬薑廓然簷牖間衆有皆收囊列書
一萬卷飲酒千百觴冷宦那有此尔翁真獨狂

頃在廣州主伊墨卿太守寓齋三日墨卿被檄還惠
州捕盜余亦遂行七月朔至虔州作詩寄之

訶林聽雨燒官燭客意倉忙官事促三日同餐骨董羹何年
再訪龍蓮竹虎頭城西秋日低君到豐湖今幾時懸知太叔
搜萑澤不比山公醉習池

下灘

上灘如破賊齊心復齊力下灘如避仇東遊復西遊破賊能
早計避仇難預籌奔馳間道防要擊牀頭刺客或相值關中
季布匿車箱北海趙岐藏複壁心無灩澦心不驚十八灘頭
放棹行終須鏟却灘頭石萬古江流一掌平

過吉水縣病足留柬彭秋潭大令

漱

大塊析微塵噫氣爲轉旋迴翔嶺南北五載脚無線伊昔溯

古江走馬入花縣，側視曾幾時。敗履期一見，炎蒸苦見侵。我
趾忽已艮，竟須叩負厓。坐覺藥憐蛇，毒未候景熟。蹙蹙恐趙娥，
倩但當不踰。走單舸去如箭，翹企待秋風。馳驅事文戰，跋履
慙未忘。捷足定誰先。

盛世方需才，麟遊鳳皇見。一蹴雲難造，三刖璧終獻。高風倘
可趨，舊約故應踐。他日袖新詩，請君書竹扇。

初六日夜至滕王閣下寄城中諸子三首

紅斷斜陽始泊船，月明如水照江天。滕王閣上珠簾捲，不見
西山又兩年。

漏鼓頻催酒盞空，微微半夜蓼洲風。南雲回首都吹盡，重向
東湖作腐公。

蚤雨炎風送客還，舊時詩筆未曾閒。故人莫笑歸裝薄，帶得

南荒萬疊山

卷一百一十五

三

青芝山館詩集卷第十一

臨川 樂

劉元

古今體詩

庚申下

題譚子受

光祿

吹簫乞食圖

我能彈瑤琴君能吹鐵簫相逢各大笑生事俱無聊十二萬
年風雨疾何況三萬六千日與君同到舍衛城香積厨中飯
好乞

題子受英雄兒女圖

世間弟一流人物聖賢而外則仙佛怪君學道未精深猶有
柔情與俠骨目不見睫還自笑酒酣客氣更蓬勃欲揮長劍
斬黑蛟兼將細馬駝紅拂

上馬行

上馬殺賊下馬醉壯士臨戎等兒戲身經百戰不封侯旁人
那識從軍意秋月如霜照空野壯士此時復上馬運刀肅颯
風雨飛敵人盡避陰山下仰頭忽見櫓槍明怒欲裂眦悲填
膺眼中豪傑俱老矣與誰同勒燕然銘

張古餘司馬吳白庵廣文約遊廬山不果悵然感賦
二首

一夜北風轉遊鱗忽已遙大江秋浩浩微雨夢蕭蕭雲氣逢
山斷泉聲落澗囂懸知談笑裏五老揖停橈

雙屐留蹤遠羅浮與偕宗匡君翻久待仙侶竟難從靜憶松
園寺高知月挂筇三生蓮社在恍惚記聞鐘

感舊詩十首

先族叔松巖先生

感恩知己更無倫六載心喪痛未伸生與先公稱死友天教
小子得成人襄陽耆舊憑誰傳任昉遺孤共我貧學業已荒
身易老九原相念定酸辛

先外舅王癡山先生

小園枯樹卧平池殯室殘燈隱總帷孝子無年天已酷寡妻
立後事尤悲論心記說無生話滴淚難書有道碑浪許延明
當快壻飄零江海愧門楣

故邑侯曹進齋先生

虎頭洲畔送喪車感遇門生十載餘路過中都愁匹馬上公汝人
年來南海斷雙魚憐才特比羣公早浪跡空驚去日虛曾與
耶君醉燕市斑衣娛母近何如

故郡侯陳青柯先生

橫秋高閣倚烟霄

閣久廢公重建於郡齋後圖落成值郡試因以命題郡詩獨見賞

記賞新

詩比射雕官解幾回親
塵屐賓筵九日聽笙簫
插花酩酊人皆喜騎鶴
翩翩客已遙六一門生
今潦倒仲純相對亦蓬飄

怡恭親王

視齋將軍

霞軒王子

金臺銅輦夢難忘
忽痛河間大雅亡
濯羽鳳雛先入穴
同枝若木更摧霜
梁園萬里迷衰草
滕閣三秋弔夕陽
聞道叔虞猶小弱
桐圭新剪侍君王

吳茗香同年

崑崙

天北征鴻次第飛
關山有路不同歸
太行峻坂傷騏驎
客香
得此華表秋風哭
令威少日年光都
夢過當時朋輩似
君稀浪遊尚負橋
元約墓樹來攀定
幾圍

宋澹思都監

鳴珂

五十都監未稱情悲來一劍了浮生神仙墮劫疑兵解詞賦

傳家亦宦成風雪十年吟社散

余庚戌在都下與澹思諸公作清寒會

江湖萬

里客舟輕子京官况仍蕭瑟五馬崎嶇蜀道行

君弟雲墅儀曹近出守敘

州

李介夫太史

如筠

詩句爭推李賀工緋衣相召太恩恩苦鐫肝肺原妨壽早占

科名不救窮歸櫬猶藏僧舍冷遺編愁委蠹魚空

余欲攜君詩傳刻就

其家求之不肯出

停車昨訪誅茆宅凄斷山陽一笛風

魯習之同年

嗣光

垂帷辛苦昔傳經宿草蕭蕭墓已銘魯國諸生誰比竝韓門

弟子半飄零劇憐異地招魂遠記話寒燈照眼青此日悲歌

劉禹錫同年落落望晨星

家槐亭秀才

毓秀

裴家東眷本同宗萬里燕郊馬鬣封
賣藥貧餘三畝菊

君自號長

安賣華翁看山老賸一枝筇
櫻桃花發攜詩過槐樹陰多載酒從

愧負平生王武子不曾親種墓門松

題蔣心餘先生攜二子遊廬山圖

千山江上羅兒孫先生風骨廬山尊
先生往矣山隔面並向詩中圖上見
幾人蹤跡崖壑留題名直繼前賢遊
從者伯子與叔子叔抱遺圖伯已死
石泉孤咽松風哀猛虎嘯空巖草靡
人間五岳無真形能作雲雨神乃靈
五老峯頭南斗暗落星萬古沈宮亭
我友諸郎比昆弟他日雲霞結幽契
俯矚長江流雪山想見真人在天際

秋懷

西風一夜冷衣裳
節序驚心又降霜
空澗水奔大江去
高樓雲掃暮天長
菊開楓落都秋氣
飛鳥寒蟬幾夕陽
稻蠚正肥新釀熟
且尋元亮醉柴桑

古餘司馬白庵廣文遊匡廬未返寄懷一首

芒屨辛苦踏層空
鶴觀殘棋幾局終
酒肆何時來痛飲
江城昨夜又西風
霜寒已逼登高節
日落遙看出塞鴻
尋著仙人須返駕
蓬山亦在浪花中

請纓圖爲萬廉山明府

承紀題

渥洼赤水生騏驎
虎子雖小雄毛羣
男兒墮地身輪囷
何必讓古人
絕倫君借古人圖
請纓共年少於終子
雲廉山時清十五歲
時率土皆王臣
已辦長劍誅長鯨
三十出爲諸侯賓
三苗正

弄潢池兵夜半擊賊謀如神忽然掉臂入風塵循吏傳中仍
有名今年逢我灌嬰城剪燭談兵雙目瞋人知紫鳳能屬文
不知青兕能殺人我昔弔古南海濱尉佗墓側空青燐終童
遙遙繼陸生早辨鼯鼠對白麟匈奴欵塞抒悃誠繫南越頸
何足云惜哉壯志孤未伸成功反讓征蠻軍寇弧比歲張蜀
秦釜底戢戢遊窮鱗側聞衛霍多功勛一官且娛頭白親有
時燭影搖雙旄以身許國心許民節制師旅羅羣英拓弓射
落旄頭是四海永無烽火驚不負昂昂千載身我時棄却頭
上巾與君擇地同隱淪山中扶杖看松筠

古餘司馬招同白庵蒲船徑詣趙藻庭太守索飲紀
立園別駕亦至越日廉山寫圖復同飲郡齋賦呈二
律

晚節花前拜使君長裾曳處帶餘醺
晶丸漬蜜添茶具蟬甲含霜佐酒軍
客散又沈城上月秋深獨感渡頭雲
滕王閣子今寥寂重見新州繼宇文

扁舟南海歸來後此日尊前得盡歡
狂客都隨張翰到州民竟作陸機看
太守本撫州牧移假南昌龍沙日落餘秋色
官閣詩成倚暮寒正是菊天花未老不辭潦倒向杯盤

白庵廉山合寫竹梅幀子爲古餘司馬題

白庵畫竹四十年近來落筆尤自然
姿態橫逸神韻全廉山繪事無不宜
畫梅特師楊補之一氣千枝復萬枝
風梢鐵幹同一幅勢不相讓氣相屬
相視大笑各心服竹法卽梅梅卽竹
主人狂喜指客看青鳳飛舞蒼蚪蟠
廣庭逼人風雪寒勢欲破壁凌雲端
秋陰迷離已十日草木枯凋花事畢
歲寒心

事欲寫出得此蒼堅兩枝筆白庵歸卧庾嶺旁竹陰黯淡搖
空窻廉山匹馬遊武昌西山野梅香未香主人吳松我維揚
江南江北春茫茫脚蹤所到皆冰霜安得羣賢同一堂重對
此畫傾千觴

送白庵歸大庾廣文任二首

歧途各萬里生事俱怱怱連日風兼雨此行西復東相期只
性命失意分窮通何日真歸去斜陽處處紅

君有讀書處高齋庾嶺陰偶來成聚首一別更秋心菊盡霜
初肅梅開雪又深願將伯牙意寄向六張琴

白庵有六
琴吟館

趙忠毅鐵如意歌爲廉山作

雁塞秋霜埋碧血尙書至死骨如鐵尙書手澤留人間百鍊
精剛歷歷出此器鑄從天啓初陰陽爲炭造化鑪天文卦象

連太極下列五岳真形圖是時委鬼漸騰擲公欲懾之以剛
直鐵牌久倒宮門前司農有笏難抨擊貂珥弄柄終亡明鬱
鬱代雲森甲兵金城破碎銅柱折三尺之鐵長錚錚流傳輾
轉入君手到處相攜比良友萬事何堪握塵談悲來打缺唾
壺口何當借汝揮三軍掃蕩蜀寇平楚氛他日攜歸故山裏
醉中爲我墮焦齒

題吳蘭雪石溪詩意圖

四山圍野屋一溪瀉深翠探幽入畫禪飲水得詩味春動陰
尚凝開門餞殘歲輕冰覆落花寒影自相媚我家汝水東溪
聲隨夢至嶺雲猶在衣江雨行侵袂冷落斜川游蕭條灞橋
意賦歸還讓君踏雪尋花氣

題廉山待渡圖

馬蹄忽止洪波起前途千里復萬里江上丈人來何遲腰劍
孤鳴欲入水我亦東西南北人章門相見情相親江漢分流
背首去驚沙落日同荒津丈夫出門不返顧進退之機爭一
步杯水堂坳無芥舟一樣風濤阻征路伏波勛業龍驤才橫
江跨海獨往來頑仙偶借羽輪渡乃向塵世誇蓬萊悲風夜
響消殘醉它日中流期共濟白壁投河斬兩蛟澹臺子羽今
誰是

李晴雪孝廉

宗濤

屬龔生寫友人小像爲一幅命曰

苔岑圖凡五人鉛山蔣萬船孝廉

知讓

南昌萬廉山

明府

承紀

魏壽門秀才

文杰

并晴雪與僕也賦長句

紀之

晴雪倚身桐石邊撚鬚微笑者滿船其旁壽門手一編三君

參坐神洒然廉山如意握在拳度橋聽我彈冰絃松風謾謾
鳴澗泉繞身萬竹吹成烟五客一圖寫照全野雲各岫星分
躔一時乃結千秋緣人疑我輩閒如仙碧桃花落白鶴眠凌
風不上昆侖顛羲和振轡過眼前少壯一瞥成中年他山之
石攻玉堅要相砥礪相磨鏤之吳楚粵之幽燕蹤跡紛紛蓬
轉旋他時相見知誰先鴻鵠矯翼飛摩天亦有鱸鮓潛深淵
升沈事異情不遷真面目存當可傳

黃岡邱貞婦王氏詩

附錄小傳

婦氏王黃岡人父德馨邑庠生字同邑邱氏子汝膠年十
七一夕夢啼哀甚撼使覺覺益哀不言所以明日汝膠訃
至乃毀妝請往臨喪撫夫幼弟邱氏以汝膠失怙恃四弟
皆幼慮少婦不勝家督弗許德馨亦不忍遣婦曰邱氏諸

伯父母皆翁姑也且未亡人期以三年盡婦道耳三年則
幼者能勝衣向學矣莫能喻其意終不遣行投繯絕粒瀕
死者再竟歸邱氏仰事俯育情協禮備中外無間言幾三
年自製檢具託疾卧水漿不入口至期強起盥沐手紉衣
履皆遍坐棺側微笑而逝

妾身未醮死志決郎來夢裏與妾別郎訃未至妾早知夜中
一慟肝腸絕郎無父有伯叔父郎無母有伯叔母郎有幼弟
妾當撫往作三年邱家婦三年作婦婦道全妾當踐夢歸重
泉結束衣裙絕水粒與郎再見笑且泣黃岡萬竹青團圓上
有悲鳴雙鳳鸞清門一事足千古邱家貞婦奇節苦

題晴雪試馬圖四首

暝雲如絮野天寬高柳垂絲拂繡鞍七尺錦袍三尺劍紅樓

莫作冶遊看

天風獵獵響弓弦
攬鞚初搖剪水鞭
紅叱撥嘶花滿地
金臺只在馬蹄前

東華蹀躞盡游龍
一躍從知萬馬空
紫陌將騎銀杏葉
素練先貌玉花驄

浪遊虛負好年華
舴艋輕舟薄笨車
玉勒金羈雲路遠
讓君先看曲江花

方容齋孝廉

振

席上分賦得燕子樓七古

春花飄零秋月落
燕子樓中妾命薄
妾心宛轉誰復知
年年燕子樓中棲
樓前汴泗交流駛
中有黃河九曲水
水清水濁終分明
完公之名後公死
侯門歌舞日日新
黃金費盡玉成塵
羞殺分香銅雀妓
綠珠原是墜樓人

留別阿雨牕廉鎮二首

明湖立馬記看碑竟有南州下榻時幾度來尋花下鶴一編
重讀畫中詩人倫藻鑑知難遇書記清狂愧未宜庾杲忍辭
王儉府大江秋月照心期

一棹頻年逐海潮歸來秋雨更蕭蕭感恩每下唐衢淚失路
難迴李白腰竹外金鞍寬禮數尊前鐵笛譜風謠明晨又趁
檣烏去回首東湖柳萬條

題宋芝山孝廉

葆淳

富春山居圖

太行西望隔雲羅

芝山山人

見說移家傍釣臺建德千峰遮鳥

斷錢唐片月送潮來山川是處容閒客泉石當年蓄異才重
過桐廬應造訪柴門可是對江關

送古餘司馬赴調松江川沙四首

公竟移官去西山碧奈何曾爲吾郡守所至部民歌花色印
牀冷芸香書簾多欲持杯水餞寒月照清波

交讌今年盛羣推老斲輪憐才多揖客許我並詩人霜老花
三盞燈明酒百巡歲寒都遠別湖柳爲誰新

我輩貧如此先生頗復同吳淞水渺渺雨雪天濛濛府檄催
方急征裘典欲空猶煩分餽贖買棹趁江風

此去江南北相過路不遙身輕笑騎鶴市近聽吹簫短夢飄
殘雪高吟和晚潮春來應喚渡三日到楓橋

廉山作長句題余說劍圖及余將之廣陵復題長句
贈行賦詩荅之卽以留別

男兒何處報人恩富者贈財貧者言吳鉤在手付無用空刺
樹上千年猿東湖萬柳幾人折炯炯離心照寒月讀君說劍

兩長歌磨刀隴水同鳴咽君才已奇氣復奇神鋒出匣光迷
離論事頗頓陳同甫談兵不減杜牧之曾握韜鈴宿虎帳書
生部署驚名將餘事乃工畫與詩往日知君愧皮相與君相
慕經十年一覿心同金石堅西風各有無窮淚且結千秋文
字緣一榻城南共幽討夜成腹藁晨手藁心賞時傾金爵空
愁來更放玉山倒同歲誰爲雌甲辰江南相見還傷神放翁
詩句堪持荅風雨塵埃惜此身

江行雜詩三十二首

風捲章門水倒流今年兩度此停舟高吟不上滕王閣恐動
長江萬里愁

宮亭神廟白沙高日口靈風送客舫莫道冬來湖水狹猶能
平地作波濤

湖烟湖水澹斜暉九疊屏風一片雲兩岸千山看不見獨開
青眼對匡君

虎溪閒月爲誰明夜半孤舟傍落星家本翻經臺下住

吾郡有謝

康樂翻經臺芙蓉清漏幾時聽

湖邊沙雁夜相呼冷月寒燈客自孤聞說潯陽多隱士結茆
終擬傍香爐

九派潯陽接海潮大姑塘口夜停桡繞船盡是琵琶婦遙對
青衫唱綠腰

女兒港口碧潺潺破鏡飛來照髻鬟一霎南風帆腹飽回頭
失却小姑山

大姑高髻更峩峩不逐天孫夜渡河應笑小姑空早嫁彭郎
猶自隔風波

彭蠡歌聲斷石鐘馬當突兀跨江空行人正背洪州去不要
山神助北風

楚客帆隨去鳥忙上流幾日到荆襄孫郎只恃長江險辛苦
移都向武昌

單舸如飛破怒濤愧無酒紙苔神勞買來赤鯉長三尺不見
腹中金錯刀

彭澤城東放客艫亂山飛翠入船窻江豚昨暮迎南拜一日
風帆到皖江

戰艦如雲列皖公永王摧敗太怱怱可憐皖水長嗚咽曾送
婁妃返故宮

池口初飛六出花荒州無樹宿羣鴉移舟欲傍梅根浦手撥
寒雲望九華

江雪初停氣轉嚴
爐寒楮火頻添遙
憐灞岸騎驢客時
有梅花落帽簷

荻港風來板子磯
江天渺渺接斜暉
眼看歸鳥都過盡
惟有檣烏入夜飛

酒家樓下大江橫
遙對巢湖偃月城
醉裏隔江呼米老
亂山雨點雜風聲

天門煙樹對江分
山外青山隔暮雲
好是詩人埋骨地
浪仙墳傍謫仙墳

采石山頭古戰場
幾家勝負各滄桑
宮袍夜夜看明月
只有騎鯨太白狂

輕冰夜凍玉蟾蜍
叉手詩成呵手書
牛渚高吟袁彥伯
風流今昔定何如

未必鍾山王氣收從來天運借人謀六朝天子皆孫皓莫笑
降旛出石頭

倦地風來客正眠魚龍吹浪到城邊夜深酒醒還愁絕可有
行人未繫船

謝公不出奈情何贏得王郎月下歌携妓東山豪達事江南
絲竹至今多

繁霜千載綠青溪幕府山高月向低典午神州陸沈了將軍
猶自著征西

燕子磯邊雁欲旋黃天蕩裏水吞天亂山亦助長江險日放
濃雲擁客船

上官宛作攝山神山神乃楚上官大夫所尚也見攝山志勝地何因屬佞臣爭

似汨羅江水昨蘭蓀千載伴靈均

船檣多處是真州白舫青簾記舊遊
欲向城南看紅樹西風如箭下奔流

潮到蕪湖城下還瓜洲回首望鄉關
長江一勺無情水流斷江南萬疊山

星斗猶光月未沈誰家婦女變丁壬
舟如宿鷺都飛起爭識

江潭萬丈深

十一月廿七日四更瓜洲岸火作

一舟斜對妙高臺三日淮流凍始開
江水琮琤環珮響舳艫銜出斷冰來

六載隋堤聽玉簫依稀猶憶舊虹橋
重來又是春風近只待流鷺上柳條

不惜江關路阻長小寒時節到維揚
坡公生日應開宴飽看梅花向蜀岡

庚申臘月朔集題襟館分擬范石湖臘月村田樂府

十章得照田蠶行

農夫機婦終歲忙今歲行盡來歲長長竿縛炬照田野祈我
絲穀俱豐穰今年穀不滿倉今年絲不滿筐雨暘燥溼有差
貳母乃去年之火無精光黍稷與竹枝炎炎風中颺火光所
到皆吉祥茂我黍稷稠我桑不愁縣吏催租糧不愁嫁女無
衣裳明年之樂未渠央

蔣秋竹孝廉

知節

出都還江西臘月八日相見於邗

上賦詩送之

朔風蕭蕭淮水寒凍雲日暮垂檐端見君名紙驚且喜顛倒
不暇更衣冠君家骨肉頗摧折相見恐傷憔悴顏子真何肥
乃不意信君懷抱江河寬丈夫詎爲兒女泣我所欲言君已

殫老親日念遊子苦覩此面目當欣歡前冬別我灌城下懷
挾奇策遊長安王公座上騁閱議長河滾滾翻波瀾文字唾
棄偶一出雷轟大壑風鳴湍曲江將啟看花宴四海羣彥趨
春官君反掉頭去不顧深林戢影息羽翰遇合從來待時運
豈真白首甘泥蟠殷勤向我道此意爲君壯浪仍辛酸秦蜀
餘盜尙充斥悲風夜鳴龍雀鏤壯士空有荷戈志日月過眼
跳雙丸客遊倦矣衣裳單奉母且甘苜蓿盤昔爲君賦從軍
樂秋前赴楚南軍幕曾作詩送其行今日還歌行路難吳山越水幾千里歲
暮雨雪天漫漫

東坡先生生日賓谷都轉以異石作供同用坡集中
仇池石詩韻

華月吐流雲枯楂發古綠雪竇光玲瓏

供石三品一流雲此
月一枯槎一雪竇

奇秀堪鼎足禪宗光明眼達人空洞腹衆妙俱收羅萬山可
縮蹙伊昔元祐朝公作揚州牧峻望齊蜀岡清節照淮瀆壓
裝得海石韞櫝逾荆玉勝事成古今寶物有顯伏英靈終不
磨嗜好猶可卜使者南豐孫風流遠追逐遺像陳高齋寒梅
繁金谷石供爲公壽亦以從所欲庶比景文畫還歌李委曲
公知使者心舊治來應速

盆中綠萼梅歌呈寶谷都轉

梅花開遍江南北桃花輪紅李輪白春工有意壓羣芳更奪
嫩萼新草色小盆一本尤絕奇根柯鬱律蟠蛟螭枝如楊柳
初垂日萼似櫻桃未熟時主人昨啟催花宴綠雲瑣碎都成
片樓曉月落酒初醒翠羽啁嘈看不見珠館瑤臺第一仙東
風吹下蔚藍天衣上未乾翠池雨袖中猶帶丹爐烟可憐螺

黛誇眉嫵顏色誰能豔如許綠珠再世作花神碧玉前身信
天女徘徊月地遊雲階欲書花葉愧仙才合讓青蓮五色筆
新詩題向水松牌

青芝山館詩集卷第十二

臨川 樂鈞 元淑

古今體詩

辛酉

題襟館蓄三鶴人日往觀一鶴見人忽起舞感而賦詩

一鶴昂頭二鶴俯二鶴迴身一鶴舞爾爲我舞我爲歌寸心
與爾同軒翥白雲滿地素雪飄衣裳颯颯環珮搖迴翔咫尺
尚如此想見盤薄當青霄骨相清臞性豪野臨風意氣一舒
寫非同兒女鬥輕便自是神仙必瀟灑雲間鳳皇飛百鳥皆
欲隨如何獨斂翅負爾凌霄姿舞罷乃屹立向人如有辭朝
集芝田暮瑤池昆侖玉英不療飢稻粱一以飽羽翮當長垂

適來弄影向階墀此意曠蕩君應知

女兒酒歌戲呈元崧崖丈

古人名酒名以春春色醇醲醉殺人女兒名酒酒更異不待
沾唇已心醉此酒來從越女家越女二八多容華一杯西子
溪中水釀出千邨桃李花女兒初駕七香車紅燭金杯流紫
霞酒好定知女兒好四筵賓客爭相誇女兒未嫁酒先熟家
家牀頭貯紅玉何人偷載吳淞船遠映春風淮水綠先生得
此不獨觴分與酒客澆枯腸啓尊欲待江梅放同醉佳人錦
瑟旁

春雪四首

客居高樓下重裘增厲寒登樓望江南城郭浩漫漫那溝十
萬戶貧者衣裳單出市買薪米濡履不得乾況乃隴陰戍握

鏃身據鞍手輟劍，樂折賊至如蜂攢。主帥亟行樂，豹舄加皮冠。帳下不得語，仰看鵬鵠盤。念茲轉自慶，猶慙非分干。何時閉茆屋，高臥希袁安。

不嫌春雪遲，但苦冬日速。元冥不改序，大地皆昏沃。連朝風日暄，眾草茁新綠。土脈方疎融，寒氣忽壓覆。雖云殺遺蝗，恐復妨嘉穀。陰陽疑必戰，舒慘勢已蹙。應時則爲瑞，愆候乃非福。吁嗟天地仁，空勞雨珠玉。

湖上多佳花，紅梅獨開早。春雪潛乘之，飄零委荒草。勁骨齊松筠，所累顏色好。更爲天下先，反用速枯槁。孤芳丁厄運，爲爾傷懷抱。桃李非異姿，後時乃自保。

冰柱垂短檐，凍雨滴空階。欲出不可出，局促傷我懷。僮僕埽殘雪，茶煙散幽齋。滋味旣無多，中乃雜飛埃。主人有芳醞，玉

山忽已頽悅然發清夢凌風上瑤臺玉女跨白鳳吹笙爲我
來醉中不厭醉連傾鸚鵡杯一醒天未霽更欲呼尊罍此時
不痛飲此情真可哀

賓谷都轉惠題訪琴圖次韻奉荅

絕絃亦豈敢四海求名山古來悼世士愴惻辭人間伊人只
在雲煙裏矯矯神龍不見尾后襲已佐南風歌山中人來可
去矣

寄阿雨窗廉鎮江西二首

作客幸無苦其如風景何園花殘暮雪湖柳隔微波月出琴
心遠春深酒病多幾回聞鶴唳引吭一高歌

天地何蒼莽登樓感遇時羣鴻爭北向孤鵲念南枝草綠投
書浦雲低洗墨池故人風義重歸意爲遲遲

僕屢念蜀岡梅花爲雨雪所摧賓谷都轉作詩見東
用少游東坡倡和詩韻次韻荅之

我心已灰形未槁清尊願向名花倒眼看萬事如雲煙醉遠
花前歌懊惱先生心藏太古春占斷江南一枝早更作春風
被羣物萬紫千紅盡媚好心念野人情抱痴欲使閒愁一筆
埽惜花心事苦難遣況乃奇芳異衆草雨雪旣甚還天晴韶
華如此先我老湖山卜築定何時我欲與君問蒼昊

春日雜詩八首

獨客感春華天陰日易斜老梅心未冷又放一番花
西園夜月明醉踏梅花影得句忽高吟闌前雙鶴醒
日暮高樓上思鄉獨斷魂紛紛行路客猶自趁黃昏
殘雪明斜照飛花送早春酒人沈睡起簾外雨如塵

言之以重其美
一鷺飛遙渚羣雅噪暮雲古來賢達士只有信陵君
暮雨遍江城愁人望曉晴東風更無賴一夜作秋聲
柳垂濯濯姿草弄娟娟色到眼已分明仰頭看古柏
桃李行飄盡殷勤折贈人他時膽瓶裏畱取數枝春

蘭雪入都過邗上附寄翁覃溪先生

蘆溝楊柳紫歸鞭蘇齋別公今七年海上借公葦齋坐

潮州有官

舫公名曰葦齋
余客潮曾乘之

北行又泊邗江船當代幾人公比肩文明照

耀雲日邊卅載一官未離核何況落葉隨風旋東鄉吳生昨
得解騎馬獨走金臺前瓶大罍小各有量我口宜飲山中泉
不羨吳生身入燕羨渠重結蘇齋緣蘇齋弟子風雨散此來
當使公歡然題襟館中春日妍主人對酒詩百篇座上賓客
多神仙我醉其間抱鶴眠醉中飛夢墮公側仰見北斗光燭

天又將去此歸臨川西山萬里空雲煙長歌宛轉代長箋餘
事吳生能口傳

次韻送蘭雪入都

不唱陽關舊曲聲殷勤別語見平生至交萬里猶當面修士
千秋共立名野性欲尋張仲蔚高官合讓庾蘭成他時訪我
溪山曲牛背西風短笛橫

題歙縣鮑肯園棠樾邨圖二十六韻

世德縣瓜瓞高賢敬梓桑蕪城非故國浦口隔斜陽甲族宗
祔盛丁年記憶詳人傳同老曾地著餞賢岡水接平疇綠山
圍遠郭蒼幾家青瑣宅千載白雲堂土鼓喧邨巷弦歌溢黨
庠漁樵皆可敬才傑況相望虹井人長往黃墩跡久荒茲鄉
獨蕃衍入畫亦輝光宣父稱仁里陳編紀義莊先生宜祀社

孝子或名鄉穆穆親仁第我我履道坊芝蘭數王謝蘿爲說
潘楊走卒知君實偷兒畏彥方古風斯未遠安土信難忘岳
終分脈岷江始濫觴東西裴脊竝南北阮宗強莊舄雖思
越蘇公竟徙常承先還啓後積善必餘慶我本浮家客誰爲
比舍郎桃花迷去路竹葉夢歸航出世無方域遊心入混茫
松巢樓欲穩葛藟庇無疆仙李蟠根大榮桐引榦長君看慈
孝里棠樾卽亦名慈孝里祠樹比甘棠

題寶谷都轉賞雨茆屋圖

萬境超遙心孤清駐餘想山齋咎對雨旅夢時一往小圃松
色濃前簷蕉葉響雲厚沈不流花低重難仰春澤信滋潤秋
霖亦悽愴飄零臥江海瀝淅聽篷槩坐愁途路艱頗喜風日
爽君非茆屋人寫此寄幽賞流膏遍黍苗分液到林莽德意

旣濡洽吟懷得曠蕩匪比王官谷品詩坐空幌林泉待同棲
都轉與余有卜鄰之約簑笠會相訪

題仇實父桓伊吹笛圖

天壤之間有王郎舟中大呼桓野王主客相知不相識踞坐
胡牀爲吹笛馬行舟去各東西青溪潺湲蔣山碧搥鼓羞登
丞相庭破琴恥作王門伶聲名意氣兩傾服以貴下賤乃非
辱風流歇絕今千秋傳向仇生畫一幅扁舟記泊建業城六
朝弦筦都無聲月明夜半吹煙竹惟有蛟龍出水聽

咏琴八首

琴絃

素琴能代語憑仗七條弦縷數遞增減絲聲何渺縣清宜淡
夜月響微午晴天心手相忘處爐香裊細煙

琴徽

誰摘繁星下
光芒照眼波
明珠疑在掌
彈子欲成渦
泛響爭
毫忽和聲藉
揣摩曲終
庭院靜
叉手望銀河

琴軫

七襄遺杼
袖畱取繫
朱絲緩急
由操縱
四通任轉移
玉籤排
架插冰柱
逼檐垂
我欲全抽去
愁無浣女知

琴足

寸木安琴腹
規圓復矩方
亭亭天柱對
隱隱地維張
衆緒憑
兼綜羣材
賴獨綱
此中無定力
鉅任那能當

琴紋

綠綺流傳在
紋隨木理呈
縱橫成片段
痕跡總分明
觸手雲
煙碎
周身鱗甲生
誰知枯槁質
能引鳳皇鳴

琴薦

足下雲三寸桐君位置牢平添青玉案不礙碧絲絛立腳原
求穩居身更覺高游移無所據神技亦徒勞

琴牀

夢醒長松下琴橫修竹中滿林花爛漫一片石玲瓏地籟生
虛竅雲濤響太空寄心元象外一鶴唳天風

琴囊

製錦裁琴式長發太古音能令七條玉不受一塵侵抱去輝
紅袖眠之映綠陰斑斕今挂壁花雨隔簾深

萬廉山明府過余於邗上喜而賦詩同居題襟館八
日復去金陵卽次其韻送之

與君飄泊歎浮生又送君遊建業城江上桃花迎棹落夜分

言上卷三
殘燭對牀明豪懷尚共風雲壯逝景難同日月爭何遜還開
東閣待早來商定白鷗盟

僕數日小病醫者謂作詩損心當戒止賓谷都轉以
詩解之石琴和馬輒次韻奉荅兼呈石琴

弱冠耽葩經一卷讀未破操觚寫胃臆小言不能大病後心
旌搖焚香理睡課興至時一吟若舞躬曰磨良醫與良友往
往哀我癯苦言雖藥石要與性情左高歌有鬼神餘事盡塵
累常恐冰雪腸或受氛埃流運思入微渺盡日念飢餓廿載
貧非病實自珍其貨孱夫隅不滿介者拜終葵平生百不遂
此事亦困珂賦命信窮薄發憤竟無那先生欲起衰獎誘乃
太過有若韓宣貧叔向反相賀先生本神勇筆端萬夫挫壽
身還壽世千秋拾寶唾詹侯亦健者有詩輒先作兩敵攻我

心坐見弱一个勉力鏤肺肝神智久掀簸垂翅鶴倦舞抽絲
蠶欲臥呼僮開藥囊量水亟煎和

三月三日虹橋修稷賓谷都轉用前韻示同座諸公
次韻奉呈

小苑青旗翻高齋紙窗破冥冥春事淡渺渺春愁大從公修
稷事借景徵詩課激灩波搖鏡灣環船轉磨在簪頗好遊雖
病不言瘴身屢勝地逢事每芳時左人海嘗隨流硯田欲揚
堧今值祓濯辰盡洗襟懷浣如酒解宿醒如食救清餓公實
濟時英胷有無價貨賓朋盡髦彥禮數絕矯爰虹橋雲影長
蜀岡石徑珂柳色方妍鮮花態故阿那隔院瓊簫鳴別嶼蘭
橈過好風時送香啼鳥競相賀燈宴晚乃張酒軍雄莫挫茲
辰故事繁陳言古人睡詠高曾哲志詩始姬公作盛會經千

場名士定幾箇北海不能超南箕不可簸擊鉢吟未成繪壁
遊還臥心折大夫歌才愧羣賢和

戲效香奩體二十八韻

夢斷鴛鴦牒春輪翡翠巢朱樓甘獨處繡戶許誰敲生小明
珠似周身瑞錦包蛾眉初掃黛鴉鬢漸垂髻倚檻愁花妬開
簾怕燕捎輕軀宜霧縠細咽稱蘭肴織就天孫學簫經月姊
教毛詩心自解班婕妤手親鈔鎮日金閨掩流星綺歲拋締昏
求玉杵擇壻卜瓊芽信總青鸞杳郎多碧鶴嘲良媒疑是鳩
歸妹竟無爻荷嫁東鄰早凝妝北里姣衣香濃紫陌履印滿
青郊蕩子工眉語秋孌恃色交軟風飄弱絮零露拆芳苞恥
受琴心誘寧爲瑟柱膠焚香供寂莫引鏡惜娥媿愁緒拈裙
帶啼痕漬枕均魂飛曾莫繫心癢定難抓誓截牽絲藕微吟

苦葉匏案頭燒豔製牆角避鳴鞘女伴爭調笑親知或訾警
含情羞半吐托病謝羣呶野鷗休穿竹游魚任戲菱輕紈防
蛺蝶華鐻背蠅蛸雪冷雲無色泉清水不泡夜深鸚鵡睡人
影傍梅梢

效東坡穎濱記園中草木十一首

梧桐修百尺時致鸞鳳來清廟作琴瑟四海求此材綠槐亦
嘉樹垂蔭庇蒼苔入夏布火德萬竈生煙煤上有瓜蔓纏下
有蒿與萊物貴自樹立依托良可哀其高當爲梧其廣當爲
槐

大枘非良材臃腫復偃蹇苟無松與栢或充棟梁選况乃脩
竹堅堪爲屋上筧製器亦多宜保無斧斤剪歇後作宰相運
至誰能遣所以東山人捉鼻恐不免

榆柳古竝稱榆錢而柳絲錢既不中幣絲亦不可機鱗鱗亂
委地濯濯空弄姿爭如牆下桑能療千蠶饑蠶飽竟作繭織
帛裁裳衣賣繭得貫索易米供餐炊欲求十畝園種此宛宛
枝蠶月躬自採長師司馬徽

賈生早上書公孫晚對策吾觀園中花物理悟通塞紅梅先
夜芳妙氣固獨得蠟梅開更早胡爲少顏色碧桃及海棠後
出仍傾國春工何所憑遲速不可測

牡丹初無名名以木芍藥辛夷與玉蘭形一名乃各映日舒
丹葩也露含素萼姿態誠不倫一氣其磅礴萬物本無類其
類由人作請爲究其始聲稱何美惡安見鸞與鵷不名燕與
雀安見菽與粟不名藜與藿

萱草倚秀石其德能忘憂其花尚未吐其葉綠且柔旁有書

帶草青青無春秋古人貴蘭蕙二草疑其儔君子以道朋小人或比周慈薤列市肆其臭殊薰蕕

齊人作楚盜厥性以地徙橘柚本甘芳渡淮化爲枳枳亦中藥物善用效無比桂爲百藥長花葉何疑薤餌之或失宜可使病者死毋言離婁公長生必恃此

可憐月季花月月花滿叢薔薇蔓高架笑日搖春風采之輒刺手頗與荊棘同不惜刺手傷苦愛顏色紅蕭艾無芒刺亦無容華穠見者去不顧終歲空芄芃

牆隅諸葛菜翹翹舒紫英莖葉雖可餐其味殊平平偶然托姓氏遂萬千載名實則野蕺耳何乃冒此稱吾聞武鄉侯所至種蔓薔蜀人飽其德相呼至今仍薔薔乃蘆菹大與諸芋爭小冠別子夏顏標誤眞卿聞者雖不辨老圃能分明

天竹以實妍石榴以實裂榴實甘可食天竹供玩悅玩悅良
復佳猶勝枯樹枿天地乃至仁不使生意絕嗟此無用才花
實終不結何以酬雨露何以謝霜雪

花木廿餘品成叢復成林造物豈有意主人亦無心我來日
數視卽境開我襟當春無榮悴紅稀還綠陰秋卉固未花芳
意曾不禁時節惡變換花間鳴候禽景光尚無異昨日忽已
今君子寫物態詩語一何淡芳華未銷歇聊和長短吟

送汪劍潭司馬

端光

之官廣西二首

淮海俊人年漸老江湖春水路猶遙頭銜久滯儒官職手版
初迴傲吏腰榕樹門邊尋古跡木棉風裏聽蠻謠此邦待輯
虞衡志

開謝龜山中丞
方修廣西通志

早向零陵下短橈

山公畱客泛湖波我亦隨君一醉歌司馬幾人遊物外流鶯

百轉奈春何貧雖宦達猶無補身有詩名已不磨若過劉蕡墳墓下爲言李邵倦登科

紀夢

天上不垂千丈繩誰能赤手拏雲升海中不開一徑路誰能赤足踏波去盡有所思夜夢之海水爲立雲爲垂三山五城碧迢迢三千玉女吹玉簫中有一人垂手招罡風貫袖寒蕭蕭九關那許世人入侍兒推之墮地立身無仙骨心未知猶抱金丹仰空泣道逢謫仙向我道曾遊玉京住蓬島雲漿風味實尋常君看童顏亦枯槁微茫窗影搖松枝天明未明鴉亂啼

題單竹軒運判 渠山水知音圖

我有空桑桐獨彈花滿屋罷弦出門望杳然山水綠君懷太

古心元音乃久蓄交遊遍江湖物色到空谷友朋卽山水高
淡各有觸夙契知難忘寄此畫一幅我來淮水濱逢君蜀岡
麓長塵揮玉塵淡杯醉銀燭會開黃錦囊一奏廣陵曲

金手山秀才

學蓮

將應京兆舉倒用箇字韻畱別邦

江同人次韻送之

佳醞儲千甕名香燒百和竹院繞花吟石牀抱琴臥長命煙
霞侶不受風濤簸清福修三生近世能幾箇文學東吳英詞
賦一囊作少追惠連步夢吞皇侃唾鯉尾資電燒鸞翻被風
挫孔融知禍衡昌黎惜李賀才名原不祥造化豈任過西笑
管云悞北征今無那相期高韻頽從茲失坎壈維余性疎野
入世慮矯羞善刀良欲藏飾櫝偶求貨曾學長卿遊幾作伯
桃餓文章勒帛棄書劍軟紅沍拂袖還謁廬荷鋤事蟹塼饑

驅棲未安肥遁計仍左駿馬思騰驤疲驢畏勞瘁日月推飛
輪風雷轉大磨行矣趁年華曷哉就日課賤子甘沈淪前程
讓遠大山鳥連日呼江霧一帆破

題青芝山下卜鄰圖次賓谷都轉韻二首

并引

都轉與余及萬廉山明府有卜居姑蘇水濱之約故爲此
圖廉山筆也

客遊如宦遊各負溪山好官身如客身生事俱草草泉石乃
鹿迹煙嵐貴幽討空外生道心閒中得畫稿世務苦相累天
懷強自休伊古雲霞交共作山林槁我輩頗曠蕩何時消熱
惱面目幸存畱須眉漸蒼老

曾侯久仕隱嘗戀西溪雲鹽筴賴條制煙水空氣氤萬子亦
強出民社任始分雖逐簿書吏恒懷麋鹿羣我本農夫耳無

地供耕耘風塵身屢浼富貴心未熏欲求買山錢買宅兼買
鄰遠希巢許士上逃堯舜君二崦況幽勝梅清松竹真歲寒
結高侶佳處同所欣奉親讀奇書餘事了不聞早作遂初賦
無爲招隱文

敬題王文成公畫像二十四韻

像藏賓谷都轉題襟
館後有文成自書兩

中歸懷七律一首
字作行草大方寸

精氣三光表儀形尺幅中懷賢思影附尚論敢雷同至理歸
神悟儒臣積武功宋元無此士孔孟不非公後世騰私說羣
言孰折衷異同姑勿辨名實豈相蒙宦寺權初盛君王聽不
聰批鱗憑諫草濺血染宸楓九死重還闕三關正伏戎連營
兵制肅揮扇賊巢空狎客方陪釐驕藩欲盜弓謀淡甘露變
勢蹙雒陽攻

用吳王
鼎事

至竟螳當轍旋看雀入籠虎賁宜脫劍

龍馭好還宮吳楚塵雖靜蠻夷道未通先聲驚草木轉眼靖
沙蟲汗馬功頻建青蠅謁愈叢鞠躬諸葛瘁裹革伏波終牛
李偏朋黨汪黃更內訌封侯人共妬講學道仍窮墓樹蕭森
碧袍花黯淡紅焚香拜遺像讀史歎孤忠俎豆春秋遠江河
日夜東先生信無恨萬古鬱悲風

四月六日與石琴又錢豈匏蘭池諸君約遊湖上看
花不果因過樗園訪王鉞夫國博撈芍藥而歸率爾
成詠呈諸君和之并柬鉞夫

忽捨蘭橈欵竹扉看花空返折花歸人生遇事每如此我輩
閒情無是非高柳隔城春影斷細塵侵路午風微小齋一丈
桐陰綠也有鶯啼燕子飛

賓谷都轉見前詩而和之以僕將歸西江詩中有惜

別之語讀之感悵不已仍用前韻奉荅

藤蘿松柏故相依千里投交忍又歸花到將離開更速年來
如夢憶全非感公義比層雲厚懷母心憐寸草微莫向江天
久惆悵閒鷗猶可去來飛

頃遇京口詩人張惺齋司馬遂承招飲湖上竝和微
字韻詩見示亦用前韻荅之

湖上逢君欲叩扉重勞攜酒送春歸相知早有詩名在一醉
都忘景物非江北煙花迎棹改夜溪燈火入城微雨窗展讀
文昌句靄靄春雲觸手飛

余刻所著耳食錄九年矣近客題襟館數月始以一
函贈賓谷都轉蓋自愧其小說故遲遲出之系一絕
句同往以助訕笑

志怪書成近十年今來持似玉堂仙自知小技君應笑翻得
人間萬口傳

興化廣文史恒齋 炳 都中舊友也暫來邗上相見題
襟館余時將歸臨川而恒齋迫於職守先我而去因
見余南珠集題後畱別次韻報之

東閣重逢一泛卮茫茫此後更相思難爲鄭谷江頭別猶賞
坡翁嶺外詩京國紅塵俱往事文章白首盡交期水萍風葉
同飄泊忍看湖堤柳萬絲

同賓谷都轉及錢夫石琴豈匏遊眞州余氏江邨園
二首

古樹迷青靄危牆繡綠苔主人埽迹久使者攜朋來麥看平
疇刈花憐野岸開揚州城市裏無此好池臺

望見江南樹登樓各有心我猶歸路遠誰便入山深倦鳥啼
幽竹流雲送夕陰浮生無住着佳處一開襟

雨中別子濯

江色孤舟盡雲陰五月寒獨憐芳草意更向雨中看

歸應豫章鄉試畱別賓谷都轉次送行韻

身賤不言報客遊終念鄉有親應倚戶作戲又逢場雨重孤
花寂簷深衆鳥藏論心多涕淚出世更何方

眞州謁文丞相祠

魚龍吹浪送孤舟夜半軍中失楚囚天意似教存宋室人言
何自誤揚州江光不鎖猶堪斷淮水無情未合流此日傷心
祠樹碧諸公俎豆共千秋

過常州贈洪稚存太史

亮吉

未識期相見非君諒復誰由來氣節士須遇隆昌時
聖主終憐惜榮名有盛衰歸人無限意煙霧正迷離

虎邱李王漁侍講

傳熊

席上聽凝馥校書琵琶彈將

軍令

春人絃索寫秋心歸客閒愁一夜深高閣簾櫳燈炯炯空江
雷雨漏沈沈連營曉角三軍壯古塞寒風萬馬瘡便欲提戈
向戎幕關西殘寇未成擒

簡吳令唐陶山明府

仲冕

去年逢廉山今年見惕甫交稱唐侯賢信慕結心腑馮氏諭
蒙篇傳家治縣譜爲政有本原宣風托豪楮自從風雅衰吏
治亦非古誰能簿領間墳籍日雕組吳中況劇邑牛毛事難
數戴星謁長官朝食每卓午秉燭治文書倒枕聞曙鼓俗吏

又好勞暑刻靡遑處君乃羅古歡君乃洽文侶賤子竊友譽
詩歌辱謬許羞吹伍員簫匪賃伯通庶輟棹聽絃歌升堂看
鶴舞既慰平生懷敬申夙咎語歸夢逐江風來朝響柔艣

吳江道中

乙卯臥病過吳下九死始到錢唐城驕陽布空萬象赤夜星
煜燿飛炎精飽啜甘瓜救煩渴內熱蒸鬱魂迷冥山娟水媚
那復見七載重來雙眼明雲陰覆水更涼爽天若有意償前
行三高祠南煙樹碧中有幽禽相和鳴此是子皮諸公往來
棲遁處至今九夏風日猶淒清一邱一壑便可死古人死所
俱有名自嗟汲汲何所爲炎風暑雨常孤征窮途不荷穹蒼
恤性命久逐鴻毛輕彭殤修短抑有數要以蹤跡明生平功
名富貴亦如此此後得失皆餘生

嚴陵灘

羣山擁一水直下錢唐江
水清山骨峻疑得先生狂
天子乃故人久別亦難忘
旣見慰疇昔去同冥鴻翔
後人紛擬議此意誠未詳
釣臺踞絕壁仰視千丈強
鯨鯢皆已戮所志鯉與魴
伊古肥遁客畏亂爲身防
時清獨高蹈俗士安能量
白雲曳空碧清風吹之颺
願言結私契鼓枻歌滄浪

船頭作

雲如縠水如鱗樹如煙霧草如茵
夕陽如畫山如繡晚風獵獵吹衣袖
此時卻喜風帆收輕橈緩漿逍遙遊
歸途尚遠何所急人生萬事如虛舟
扶柁女郎亦蕭散近船相語遠相喚
煙景迷離城堞高無心已到衢州岸

閨中苦雨作

夕陽未下天已暝滿眼秋蟲飛不定孤月欲出雲寥寥諸生
愁坐荆棘叢打頭矮屋大如掌激箭飛來萬瓦響蠶僵蜩縮
紙簾閉屋漏暗滴蛛絲網雲間仙人笑不休星駟玉佩排風
遊日午乖龍掉尾去水淡牆角行蝸牛我生已歷艱難慣蟠
首泥塗豈足歎多少臞儒霜滿顛淚落燈昏待天旦可憐文
戰猶難堪況復帶甲當戎驂草間狐兔尚偷活官軍十萬屯
西南桂花未放秋容老誰信姮娥顏色好羨殺東湖煙鳥飛
蘇公園外多芳草

蓮舫招同寅卿菊香鼎臣諸君遊螺墩被雨暮歸走
筆柬之

秋風淅淅吹輕舫荒洲突兀飛樓高勝侶招邀始一到窗檻
而面臨波濤遙山遠渚望無際蒼茫一氣連江皋官人創造

已七載要壯觀覽供遊遨水榭風亭半積圯當時未覺結構
牢藤柯偃蹇蓼花碎遊人行處生蓬蒿蘇圃徐亭亦寂寞矧
此過鳥遺空巢要知己作勿使廢役皆民力財民膏異時官
長倘閒暇新葺毋乃尤煩勞江右地瘠民俗儉十戶五戶飢
寒號吳越池館若碁布費雖鉅萬如一毛是日江雲變墨色
空中蜃氣迷城濠銀竹森排鏤馬怒圍身草樹鳴刁騷主僧
殷勤具酒茗欲歸不得聊復豪佛寺暮鐘乃送客雨力已透
青草袍諸公對此勿歎息萬事過眼俱浮泡

報說

報說鮎魚上釣竿泥金帖子帶愁看但求林壑棲身早敢道
科名入手難幾樹長松都偃蹇一籬新菊正蕭寒此情又怕
慈顏覺且博尊前一笑歡

杭州沈秋湖贊府出其內子晚君夫人手畫蝴蝶草蟲冊子索詩各題二絕卽以易畫夫人山陰朱氏名懷蘭畫品精妙香墨欲飛洵可寶也

半醉飛瓊踏月歸仙風吹墮六銖衣餘香化作雲千片都揀花枝好處飛

幾點桃花幾縷煙鏡臺金粉入毫顚仙蟲未許滕王畫合借鷗波妙手傳

右蝴蝶

金井闌干一夜風絲絲絡緯草煙中綠窗繡罷拈蘭蕊自寫

秋聲課女工

秋上愁多蟋蟀知詩懷畫景特相宜披圖搦管清吟處更是燈寒露白時

右草蟲

畱別舒白香

我本樗散才頗具山林姿事會苦駢迫讓君稱布衣大賢虎
豹變所愧猶干時心跡自相掩旁人那不疑側聞畿輔災道
路多嶮巇流民索鏹楮傾囊心不怡京師米益貴百錢供一
炊鹽蔬不到口安論鮮與肥 天子倣澤洞下詔哀羣黎我
亦四民一困艱良亦宜顧匪凶年粟稍救飢人飢顧匪巨川
楫分拯溺者危啞啞城上烏日夜繞樹飛老母垂七十靜念
終何爲行當棄儒巾尋君章水湄

康山湖阻風

泊舟蘆葦叢四望各千里朔風捲層雲青山避湖水昨見長
庚高太白未應死尊罍顧已罄老渴氣頗靡夜半羣雁過寒

聲墮船裏夢登酒家樓臨觴忽驚起豈惟尊無酒再炊亦無
米苟有漁者船醉飽坐相倚此行最無名要看芝山耳浪遊
輕險艱小懲固其理興盡甚欲返舟人皆粲齒進退非爾能
安得隨意指作歌訴神靈暫遣風濤止得酒先酌君更自澆
碑礪

夜渡彭蠡

昨冬揚帆過左蠡白沙崔巍夾浪起今來還渡東鄱陽寒月
竟空天混茫暮近康山水倒捲船頭苦被風吹轉夢中忽聽
拽篷聲天明已泊蘆花淺平生雅有山水緣對面不見寧非
天風伯作劇乃爲此卻幸身脫蛟龍淵故人如雲居此州明
日芝山定可遊每逢佳處思買宅安知不住蠡湖側

芝山寺作

一路苔花碎出城舒遠心白雲山徑窄黃葉寺門深靈草幾
時種妙香無處尋登高揖五老寒影落湖陰

止水池懷古

江文忠公全家殉節處

襄樊不守事危矣臣雖去位臣當死滔滔江漢倒狂瀾不及
亭前一池水當年公鑿止水池似因閒散謀幽棲全家併命
卽此處旁人那識公心悲半壁江南響屋瓦北兵直到厓山
下恨身不作錢唐潮夜半沙頭捲蕩馬至今池水清不流丹
楓蕭瑟白楊秋繞池更葬千堆骨誰爲孤臣土一抔

跳刀行

兩人扶刀夾几立一人赤體穿刀入刀光潑水凝秋霜五體
磨刀刀不溼以頭據几腳撐空後刀當背前當胷折腰欲下
復不下前刀當頂後當膀几上四面刀相環凌空飛出刀中

間最後躍登層几上反身一跌勢千丈口銜手握刀縱橫一
笑收刀神轉王吁嗟乎踰鋒投鋏真凶危能透劍門徒爾爲
絳頭毛面猶騷動如此身手殊堪用安得名募此輩千萬人
充補一隊銀刀軍提刀斫陣殲羣賊拍張三公應可得

白鷺橋

白鷺橋東路重辭賣酒家亂灘喧水碓危石躓鹽車雲暗偏
西日梅寒向北花由來傷歲暮何必論天涯

貴溪酒肆

酒樓斜對藐姑山三度來看鬢欲斑記傷古壻騎竹馬知從
何樹覓金環寒禁驛路霜侵骨醉上征車淚滿顏回首蕪溪
橫渡處碧流西去繞鄉關

興安柳

山縣百物無一有車裘珍錯牛駝酒縣官除道憂炎歊火急
募民種官桺移根別土到芳邑指日長條拂馬首地裂渠乾
澆灌勤豈有閒人事田畝問種此桺何爲哉天邊貴使從東
來中丞傳檄下郡縣十里百里修行臺夾道濃陰接飛蓋羣
官持版望塵拜霜嚴風肅如清秋只今竟比甘棠在憶昔經
過當暮春飛絮垂絲愁殺人可憐歲晏俱搖落行人回首亦
酸辛

蘭谿阻淺

城角沙寒水一灣
柁樓終日對蘭山
遙知昨夜鄰舟女
唱過金華五百灘

除日同劉簾舫明經

瑤

孤山探梅

畫史詩人得意處
畱得梅花一兩樹
寒香吹入水仙祠
瘦影

橫過蘇小墓花當歲盡復誰看千里有客來凭闌觸手但愁
珠玉碎拂面未覺冰霜寒西泠橋西晚風急山空面面湖雲
溼積氣疑兼海霧浮重巒不放江湖入花與孤山雨不孤山
容秀絕花顏殊惜無名僧待坡老欲遣野鶴招林逋劉郎清
豪夏年少手把花枝向我笑苦愛亭臺收好山焉知草木添
斜照城闕迢迢歸路賒幾行枯柳啼棲鴉青天已分無明月
紅袖何曾見酒家十載他鄉逢此日清興無多轉自失湖山
冷處要人行歲月窮時嗟我出歲月如流眨眼過湖山終古
水雲多豐樂樓頭吹玉笛梅花落盡奈愁何